



Մ Ա Յ Ր Ա Թ Ո Ռ Ո Ւ Մ

Հուլիսի 31-ին՝ շոբեհաբքի.—Երեկոյան ժամը 7-ին Վեհափառ Հայրապետի հետ՝ արտասահմանյան Իր շրջագալութիւնից վերադարձի առիթով: Հանդիպմանը ներկա էին՝ Գերագոյն հոգևոր խորհրդի անդամները, Մայր Աթոռի միաբանութիւնն ու պաշտոնեութիւնը, Վերատուգիչ հանձնաժողովի, Մայր Աթոռին առընթեր ճարտարապետական հանձնաժողովի կազմերը, Արարտոյան թեմի թեմական խորհրդի անդամներ և այլ հրավիրյալներ: Վեհափառ Հայրապետը ջերմորեն ողջունեց ներկայութիւնը բոլորի, բացատրեց օրվա հանդիպման նպատակը և աշխուհետե խոսք տվեց հայրապետական շրջախմբի անդամ և «Էջմիածին» ամսագրի խմբագիր Ա. Հատիտյանին՝ ներկայացնելու արտասահմանյան վերջին ուղևորութեան հուշագրութիւնն ու տպավորութիւնները: Պրն. Ա. Հատիտյանը սիրով կատարեց Հայրապետի այդ հանձնարարութիւնը և պատմեց հուշեր, տպավորութիւններ հայրապետական շրջագալութիւնից՝ նշելով այս 8-րդ ուղևորութեան պատմական նշանակութիւնը հոգևոր-եկեղեցական, ազգային-հայրենասիրական տեսակետից, ինչպես նաև միջեկեղեցական մակարդակի վրա և պետական շրջանակներում:

Վերջում Վեհափառ Հայրապետը ևս որոշ լրացումներ կատարեց Իր արտասահմանյան ուղևորութեան վերաբերյալ հուշերի մասին: Ապա բոլոր ներկաները հյուրասիրվեցին մրգով և կարկանդակներով:

Օգոստոսի 4-ին՝ կիրակի.—Գ կիր. զկնի վարդավառի.

Մայր տաճարում պատարագեց արժ. տ. Հակոբ քհն. Հակոբյանը:

Ս. պատարագին ներկա էր Վեհափառ Հայրապետը:

Օգոստոսի 10-ին՝ շաբաթ.—Այսօր Վեհափառ Հայրապետը մեկնեց Կիսլովոդսկ՝ հանգրստանալու «Կրասնի կամեն» առողջարանում: Վեհափառ Հայրապետին ուղեկցում էր հոգ. տ. Նարեկ վրդ. Շաբարյանը:

Օգոստոսի 11-ին՝ կիրակի.—Գ կիր. զկնի վարդավառի.

Մայր տաճարում պատարագեց հոգ. տ. Ներսես ծ. վրդ. Պողոսպալյանը:

Օգոստոսի 18-ին՝ կիրակի.—Վերափոխումն Ս. Աստուածածնի.

Մայր տաճարում պատարագեց հոգ. տ. գևորդ վրդ. Սերայդարյանը:

Ս. պատարագին ներկա էր ուխտավորների և հավատացյալների հոծ բազմութիւն:

Հավարտ ս. պատարագի կատարվեց խաղողի օրհնութիւն՝ հանդիսադրութեամբ լուսարարապետ գեր. տ. Հայկազուն արքեպ. Արրահամյանի:

Օգոստոսի 19-ին՝ երկուշաբթի.—Բ օր Վերափոխման: Յիշատակ մեռելոց.

Մայր տաճարում պատարագեց արժ. տ. Հովհաննես քհն. Մարությանը:

Հավարտ ս. պատարագի կատարվեց հոգեհանգիստ «Վասն համօրէն ննջեցելոց»:

Օգոստոսի 25-ին՝ կիրակի.—Բ կիր. Վերափոխման.

Մայր տաճարում պատարագեց Սիրիայից ուխտավորաբար ս. Էջմիածնում դռնվող արժ. տ. Զարմայր քհն. Հնդոյանը և բարոյեց «Ուխտս դիք և կատարեցէք» բնաբանով:

* *
Օգոստոսի 31-ին՝ շաբաթ.— Այսօր ԱՄՆ-ից ուխտավորաբար Մայր Աթոռ ժամանեց հոգ. տ. Մեսրոպ ծ. վրդ. Սեմերճյանը:

* *
Սեպտեմբերի 1-ին՝ կիրակի.— Գ կիրակի՝ զկնի վերափոխման: Տօն Գիւտ Գօտույ Սրբունւոյ Աստուածամէնի.

Մայր տաճարում պատարագեց արժ. տ. Հակոբ քհն. Հակոբյանը:

* *
Սեպտեմբերի 4-ին՝ չորեքշաբթի.— Շուրջ մեկ ամսվա հանգստից հետո Կիսլովոդսկի «Կրասնի կամեն» հանգստատնում, այսօր Մայր Աթոռ վերադարձավ Վեհափառ Հայրապետը՝ ընկերակցութեամբ հոգ. տ. Նարեկ վրդ. Շաքարյանի:

* *
Սեպտեմբերի 7-ին՝ շաբաթ.— Այսօր, առավոտյան ժամը 10-ին, Վեհափառ Հայրապետին այցելեցին Շվեյցարիայի ուսւ պրավոսլավ եկեղեցու նախագահուհի Եվդոկիա Իվանովնա Քարուսի և Յուրիխի հոգևոր հովիվ տ. Սերաֆիմ վարդապետը: Հյուրերը այցելեցին նաև ս. Գայանեի, ս. Հովսիսիմի և ս. Գեղարդի վանքերը:

Հաջորդ օրը հյուրերը ներկա եղան ս. պատարագին Մայր տաճարում:

* *
Սեպտեմբերի 8-ին՝ կիրակի.— Գ կիրակի՝ զկնի վերափոխման: Տօն ծննդեան Սրբանւոյ կուսին Մարիամու յԱննայէ.

Մայր տաճարում պատարագեց և քարոզեց ԱՄՆ-ից ուխտավորաբար Մայր Աթոռ ս. էջմիածին ժամանած հոգ. տ. Մեսրոպ ծ. վրդ. Սեմերճյանը:

Ս. պատարագին ներկա էր Վեհափառ Հայրապետը:

Հավարտ ս. պատարագի Վեհարանում Վեհափառ Հայրապետը ընդունեց մի խումբ լիբանանահայ և սիրիահայ ուխտավորների:

* *
Սեպտեմբերի 14-ին՝ շաբաթ.— Այսօր, ժամը 12-ին, Վեհարանում Վեհափառ Հայրապետը ընդունեց երաժշտագետ Բարսեղ Կանաչյանի տիկնոջը՝ Քրիստինե Կանաչյանին, իր դստեր հետ, որոնք ուխտավորաբար գրտնըվում էին մայր հայրենիքում:

Հյուրերին ողջեցում էր Կոմիտասի աշակերտ, երաժշտագետ Միհրան Թումանյանը: Երեկոյան ժամը 8.30-ին հոգևոր ճեմարանի դահլիճում տ. Մեսրոպ ծ. վրդ. Սեմերճյանը դասախոսեց «Ս. պատարագի բացատրություն» թեմայի շուրջը:

* *
Սեպտեմբերի 15-ին՝ կիրակի.— Խաչվեաց.

Մայր տաճարում պատարագեց և քարոզեց հոգ. տ. Ներսես ծ. վրդ. Պողոսպալյանը՝ «Մեքի յայնմ խաչն եմք յուսացեալ յոր Տէր Յիսուս քեկոնցաւ» բնաբանով:

Ս. պատարագին ներկա էր Վեհափառ Հայրապետը:

Հավարտ ս. պատարագի Վեհափառ Հայրապետը Վեհարանում ընդունեց ամերիկահայ և ֆրանսահայ մի խումբ ուխտավորների: Ամերիկահայ ուխտավորներին առաջնորդում էր Հյուսիսային Ամերիկայի հայոց առաջնորդարանի պաշտոնյա տիար Հակոբ Նազրյանը, իսկ ԱՄՆ-ի Հայաստանյայց առաքելական եկեղեցու երկուսարդաց կաղմակերպութեան ուխտավորական խմբին՝ կաղմակերպութեան ընդհանուր ղեկավար Հովհաննես սրկ. Գասպարյանը:

Երեկոյան ժամը 6-ին կատարվեց Խաչվեացի անդամատանը՝ հանդիսադրութեամբ գեր. տ. Հուսիկ եպ. Սանթրոյանի:

* *
Սեպտեմբերի 16-ին՝ երկուշաբթի.— Յիշատակ մեռելոց.

Մայր տաճարում պատարագեց արժ. տ. Հակոբ քհն. Հակոբյանը:

Հավարտ ս. պատարագի կատարվեց հոգևհանգիստ՝ «Վասն համօրէն ննջեցելոց»:

Երեկոյան հոգևոր ճեմարանի դահլիճում բանախոսեց հոգ. տ. Մեսրոպ ծ. վրդ. Սեմերճյանը՝ «Հայ և օտար եկեղեցիների նմանութունները և տարբերությունները» թեմայի շուրջը:

* *
Սեպտեմբերի 17-ին՝ երեքշաբթի.— Այսօր, շուրջ երեք շաբաթ Մայր Աթոռում ուխտավորաբար գտնվելուց հետո, իր պաշտոնատեղին՝ ԱՄՆ, վերադարձավ հոգ. տ. Մեսրոպ ծ. վրդ. Սեմերճյանը:

* *
Սեպտեմբերի 20-ին՝ ուրբաթ.— Այսօր ժամը 3.30-ին հոգևոր ճեմարանի դահլիճում ե-

րաժշտագետ Բարսեղ Կանաչյանի մասին հիշողություններով հանդես եկավ Կոմիտասի աշակերտ, երաժշտագետ Միհրան Թումաճանը: Ելույթն ուղեկցվեց պատկերների ցուցադրությամբ:

Բանախոսությանը ներկա էին նաև հանգուցյալ երաժշտագետի կինը՝ Քրիստինե Կանաչյանը, և իր դուստրը:

* *

Երեկոյան ժամը 6-ին Վեհարանում, Վեհափառ Հայրապետի նախագահության ներքո, գումարվեց Գերագույն հոգևոր խորհրդի հեր-

թական նիստը, որը քննության առավ 1969 թվականի հոկտեմբերին Մայր Աթոռ ս. էջմիածնում եպիսկոպոսական ժողով հրավիրելու և այլ հարցեր:

* *

Սեպտեմբերի 22-ին՝ կիրակի.—Ռ կիրակի զկնի Ս. Խաչի:

Մայր տաճարում պատարագեց արժ. տ. Հակոբ քհն. Հակոբյանը:

Ս. պատարագին ներկա էր Վեհափառ Հայրապետը:

